

დადგენილება #ე.პ. 0620-25
გაფრთხილების სახით ადმინისტრაციული სახდელის
დადების შესახებ

თბილისი

24 აპრილი 2025

1. დადგენილების გამომტანი ორგანო (თანამდებობის პირი):

ს/ს „ენერგო-პრო ჯორჯიას“ სათაო ოფისის ადმინისტრაციული სამართალდარღვევის საქმის განმხილველი კომისია, კომისიის თავმჯდომარე ნინელი ბოჭორიშვილი

2. საქმის განხილვის თარიღი: 2025 წლის 24 აპრილი

3. ცნობები პირის შესახებ, რომლის მიმართ განიხილება საქმე:

შპს „სოლარენ“

მდებარე, იურიდიული მისამართი: ქ.ქუთაისი, ვახუშტი ბაგრატიონის ქუჩა #9

საიდენტიფიკაციო კოდი # 412758680

ფაქტობრივი ადგილსამყოფელი: წყალტუბოს რაიონი, სოფელი მაღლაკი

4. საქმის განხილვისას დადგინდა შემდეგი გარემოებები:

2025 წლის 22 აპრილს, წყალტუბოს რაიონის, სოფელ მაღლაკში დაფიქსირდა ელ.ენერგიის უკანონოდ მოხმარების ფაქტი, კერძოდ, დათვალიერდა აზონენტ #1310343221 აღრიცხვის კვანძი და აღმოჩნდა, რომ მომხმარებელი შპს „სოლარენ“ ელ.ენერგია მოიხმარდა მრიცხველის გვერდის ავლით, არალეგალური სადენის მეშვეობით. შემოწმებისას სადენში A ფაზაში გადიოდა 0.48 ამპერი, B ფაზაში 0.72 ამპერი, ხოლო C ფაზაში 0.91 მაპერი დენი. სატრანსფორმატორო პუნქტ #302-520-ს აქვს საბალანსე მრიცხველი, რომელზედაც აღირიცხებოდა მომხმარებლის მიერ მოხმარებული ელ.ენერგია, როგორც მრიცხველით, ასევე არალეგალური სადენით მოხმარებული. ელ.ენერგიის მოხმარება არალეგალური სადენით, როგორც აღვნიშნეთ, წარმოადგენს სამართალდარღვევას, ელ.ენერგიის დატაცებას, რაზედაც შედგა სამართალდარღვევის ოქმი ას#009713.

სს „ენერგო-პრო ჯორჯია“

შპს „სოლარენ“-ს მიმართ 2025 წლის 23 აპრილს შედგენილ ადმინისტრაციული სამართალდარღვევის №009713 ოქმს ხელი მოაწერა ობიექტის წარმომადგენელმა-შალვა გერამემ, რომელმაც აღიარა სამართალდარღვევის ჩადენის ფაქტი და აღნიშნა, რომ შეცდომით დააერთა სადენი და მსგავსი ფაქტი აღარ განმეორდება.

შპს „სოლარენ“-ს მიერ ელ.ენერგიის დატაცება (სამართალდარღვევა) წარმოადგენს პირველ შემთხვევას, რაც დასტურდება საქმეში წარმოდგენილი შსს საინფორმაციო-ანალიტიკური დეპარტამენტის საინფორმაციო ცენტრის მიერ 2025 წლის 24 აპრილს ელექტრონულად გამოგზავნილი ინფორმაციით. საქმეში, ასევე წარმოდგენილია 22.04.2025 წლის №A1525031 აღრიცხვის კვანძის შემოწმება-მიღების აქტი, სადაც აღნიშნულია, რომ შპს „სოლარენ“-ის მიერ მოხმარებული ელ.ენერგია არ აღირიცხებოდა მრიცხველით, ვინაიდან მოხმარებული არაღებულ სადენის მეშვეობით ახდენდა ელ.ენერგიის დატაცებას. შპს „სოლარენ“-ს ეცნობა საქმის განხილვის დროისა და ადგილის თაობაზე, სხდომაზე არ გამოცხადდა შპს „სოლარენ“-ის წარმომადგენელი. გამოუცხადებლობის საპატიო მიზეზებისა თუ სხდომის გადადების თაობაზე სამართალდამრღვევს არანაირი განცხადებით არ მოუმართავს. ამდენად, კომისია უფლებამოსილია მისი დასწრების გარეშე განიხილოს და მიიღოს გადაწყვეტილება ზემოაღნიშნულ საკითხზე. ადმინისტრაციულ სამართალდარღვევათა კოდექსის 236-ე მუხლის თანახმად, ადმინისტრაციული სამართალდარღვევის საქმეზე მტკიცებულებას წარმოადგენს ყველა ფაქტობრივი მონაცემი, რომელთა საფუძველზეც დგინდება სამართალდარღვევის არსებობა/არ არსებობა, თუ პირის ბრალეულობა მის ჩადენაში. განსახილველ შემთხვევაში საქმის სწორად გადაწყვეტისათვის საკმარისი მტკიცებულებებია წარმოდგენილი (სამართალდარღვევის ოქმი; აღრიცხვის კვანძის შემოწმება-მიღების აქტი; შსს საინფორმაციო-ანალიტიკური დეპარტამენტის საინფორმაციო ცენტრის ინფორმაცია; ამონაწერი სამეწარმეო რეესტრიდან; საქმის განხილვის დროისა და ადგილის თაობაზე ჩაბარების დადასტურება), რომელთა მეშვეობითაც დგინდება შპს „სოლარენ“-ის (ს/კ 412758680) მიერ ადმინისტრაციულ სამართალდარღვევათა კოდექსის 96¹ მუხლის 1-ლი ნაწილით გათვალისწინებული სამართალდარღვევის ჩადენის ფაქტი, ელ.ენერგიის დატაცება. სამართალდარღვევის ოქმი შედგენილია ა.ს.კ 240-ე მუხლის მოთხოვნათა დაცვით. დაცულია ადმინისტრაციული სამართალდარღვევათა კოდექსის 38-ე მუხლის 1-ლი ნაწილით დადგენილი ადმინისტრაციული სახდელის დადების სამთვინი ვადა.

5. ადმინისტრაციული სამართალდარღვევის საქმის განმხილველმა კომისიამ იხელმძღვანელა საქართველოს ადმინისტრაციულ სამართალდარღვევათა კოდექსის 96¹ მუხლის პირველი ნაწილით; მე-10; 38-ე; 236-ე; 240-ე; 228²-ე მუხლებით; 266-ე მუხლის მე-4 ნაწილით; სემეკის სემეკის 12.08.10წ. #14 და 28.06.2021წ. #19 დადგენილებებით; ს/ს „ენერგო-პრო ჯორჯიას“ 30.06.2022წ RU2022007 წესით, 10.10.2022წ. #OR2022037 ბრძანებით და:

და ვ ა დ გ ი ნ ე:

სს „ენერგო-პრო ჯორჯია“

6. შპს „სოლარენ“ (ს/კ 412758680) ცნობილ იქნეს ადმინისტრაციულ სამართალდამრღვევად ა.ს.კ. 96¹ მუხლის 1-ლი ნაწილით გათვალისწინებული სამართალდარღვევისათვის და დაედოს ადმინისტრაციული სახდელი – გაფრთხილების სახით.

7. იგივე ქმედება, ჩადენილი განმეორებით, გამოიწვევს ფიზიკური პირის დაჯარიმებას 100 ლარის ოდენობით, იურიდიული პირისა და დაწესებულების დაჯარიმებას 15 000 ლარის ოდენობით.

8. დადგენილება შეიძლება გასაჩივრდეს მისი ჩაბარებიდან/საჯაროდ გამოცხადების გზით ჩაბარებულად ჩათვლიდან 10 დღის ვადაში საქართველოს ენერგეტიკისა და წყალმომარაგების მარეგულირებელ ეროვნულ კომისიაში (მის: თბილისი, მიცკევიჩის ქ.#19).

9. სპეციალური საექსპერტო დაწესებულებისა (ექსპერტისა) და თარჯიმნისათვის ასანაზღაურებელი მომსახურების ხარჯების კომპენსაციის საკითხი:

უფლებამოსილი პირის ხელმოწერა:



კომისიის თავმჯდომარე
ნინელი ბოჭორიშვილი